

BASES DA CONVOCATORIA SELECTIVA PARA CUBRIR POLO SISTEMA DE CONCURSO E MEDIANTE CONTRATO DE DURACIÓN DETERMINADA, MODALIDADE OBRA OU SERVIZO, UN (1) POSTO DE TRABALLO DE TÉCNICO SUPERIOR DE PROXECTO i-MATH (Ref: IMATH09-TSP2)

A Fundación Centro Tecnológico de Supercomputación de Galicia, é unha Fundación de carácter público, dependente da Consellería de Economía e Industria. En cumprimento da Lei 10/1996, de 5 de novembro, de actuación de entes e empresas nas que ten participación maioritaria a Xunta de Galicia, en materia de persoal e contratación, acorda esta convocatoria de selección de persoal.

1. Obxecto da convocatoria

O posto de traballo é requirido para a realización do Proxecto "Consolider i-MATH" que comenzou no ano 2006 e rematará, aproximadamente en setembro de 2011. Este posto xustifícase para o soporte técnico ao proxecto i-MATH para dinamizar a transferencia de tecnoloxía matemática ao sector produtivo nos termos contemplados no proxecto Consolider Ingenio Mathematica e na Rede Mathematica Consulting & Computing de Galicia.

A Fundación precisa cubrir con carácter temporal 1 posto coa seguinte denominación:

TÉCNICO/A SUPERIOR DE PROXECTO i-MATH (Ref: IMATH09-TSP2)

Salario bruto anual: 26.030 euros (vinteseis mil trinta euros)

As funcións para este posto serán:

- Participación no deseño das tarefas a realizar no proxecto, implicándose de forma máis directa nas relacionadas coa área de Matemática Aplicada.
- Coordinación e execución das tarefas do proxecto que lle sexan encomendadas desde o Nodo CESGA.
- Participación na elaboración e seguemento do plano de traballo do proxecto.
- Redacción de informes técnicos e de xestión do proxecto.
- Análise e proposta de melloras do proxecto.
- Organización e execución de actividades de difusión do proxecto e promoción do Nodo CESGA no entorno empresarial e académico.
- Coordinación de actividades con outros socios externos ao Nodo CESGA vinculados ao proxecto.
- Participación en solicitudes adicionais de financiación.
- Xestión dos recursos internos e externos do proxecto.
- Asistencia a cursos, seminarios, congresos e reunións do proxecto, a nivel estatal e internacional.
- Outras tarefas relacionadas co proxecto.

2. Réxime xurídico da contratación

O contrato revestirá a modalidade de contrato de obra ou servizo, conforme ao establecido no artigo 15.1 A) do Estatuto dos Traballadores e ao artigo 7 da Lei 10/1996, de 5 de novembro, de actuación de entes e empresas nas que ten participación maioritaria a Xunta de Galicia, en materia de persoal e contratación.

3. Duración

A contratación obxecto da presente convocatoria efectuarase con carácter temporal limitada á duración dos traballos para os que se contrata ao traballador/a no proxecto indicado ao inicio das Bases, estimándose un período aproximado de vinte e un (21) meses.

4. Requisitos

- 1) Ter nacionalidade dun país membro da Unión Europea, ou dalgún Estado, que en virtude dos tratados internacionais celebrados pola Unión Europea e ratificados por España, séxalle de aplicación a libre circulación de traballadores.

Tamén poderán participar, calquera que sexa a súa nacionalidade os cónxuxes dos españois, dos nacionais dalgún dos demais estados membros da Unión Europea, cando así o prevexa o correspondente tratado, e dos nacionais dalgún Estado que, en virtude dos tratados internacionais celebrados pola Unión Europea e ratificados por España, séxalle de aplicación a libre circulación de traballadores, sempre que non estean separados de dereito, así como os seus descendentes e os do seu cónxuxe, menores de vinte e un anos ou maiores da devandita idade que vivan ás súas expensas. Así mesmo, poderán participar os estranxeiros que, non estando incluídos nos parágrafos anteriores, teñan residencia legal en España.

- 2) Ter cumpridos os 16 anos de idade e non ter alcanzada a idade de xubilación forzosa.
- 3) Posuír e acreditar o TÍTULO de *LICENCIADO EN MATEMÁTICAS*

ou estar en condicións de obtelo dentro do prazo de presentación de solicitudes. No caso de titulacións obtidas no estranxeiro, deberán estar en posesión da credencial que xustifique a súa homologación na data de remate do prazo de presentación de solicitudes.

- 4) Coñecemento da lingua galega (acreditado con copia simple do título de perfeccionamento en lingua galega ou CELGA 4 ou dos estudos equivalentes homologados polo órgano competente en materia de política lingüística). Os aspirantes que non estean en posesión da devandita titulación deberán realizar unha proba eliminatoria, cuxa valoración será de apto ou non apto.
- 5) Coñecemento de inglés. O coñecemento acreditarase mediante calquera dos seguintes ou outro tipo de acreditación/certificación equivalente atendendo á escala de Eurocentres:

- F.C.I. (First Certificate in English).
- 3º curso da EOI.

Os aspirantes que non estean en posesión da devandita titulación, deberán realizar unha proba eliminatoria cuxa valoración será de apto ou non apto.

- 6) Non padecer enfermidade ou defecto físico que impida desempeñar as funcións correspondentes á praza á que opte.
- 7) Non ter sido separado mediante expediente disciplinario do servizo de calquera das Administracións públicas ou dos órganos constitucionais ou estatutarios das Comunidades Autónomas, nin atoparse en inhabilitación absoluta ou especial para empregos ou cargos públicos por resolución xudicial ou para exercer funcións similares ás que desempeñaban no que fora separado ou inhabilitado.

No caso de ser nacional doutro Estado, non atoparse inhabilitado ou en situación equivalente nin ter sido sometido a sanción disciplinaria ou equivalente que impida, no seu Estado, nos mesmos termos o acceso ao emprego público.

- 8) Permiso de conducir B.

5. Documentación a presentar obrigatoriamente

- 1) Solicitude dirixida ao Director-Xerente da Fundación CESGA segundo o modelo do Anexo I.
- 2) Currículum vitae (CV), no que se fará constar a concorrencia dos requisitos esixidos e a lista de méritos alegados segundo os criterios de valoración do Anexo III.
- 3) Fotocopia simple do título esixido no punto 4.3 das bases ou documento que acredite fidedignamente a posesión do correspondente título académico. Os aspirantes que non teñan a nacionalidade española, acreditarán que concorren as circunstancias previstas na base 4.1.
- 4) Fotocopia simple do D.N.I. ou pasaporte.
- 5) Fotocopia simple do permiso de conducir válido en España.
- 6) Fotocopia simple do certificado do expediente académico referido á titulación esixida no punto 4.3 das bases desta convocatoria.
- 7) Fotocopia simple do título de perfeccionamento en lingua galega ou do CELGA 4 ou dos estudos equivalentes homologados polo órgano competente en materia de política lingüística, ou certificado da Fundación CESGA ou S.A.X. CESGA no que se acredite a obtención da calificación de APTO na proba de galego en convocatorias anteriores (no caso de que a proba fora feita anteriormente na Fundación, non será necesario aportalo no momento da solicitude, sendo necesario unicamente a súa solicitude no Anexo I, indicando a referencia da praza). Se non se presenta esta documentación, deberá facer unha proba no momento que se indique no proceso de selección, cuxa valoración será apto ou non apto.
- 8) Fotocopia simple da xustificación do coñecemento de inglés ou certificado da Fundación CESGA ou S.A.X. CESGA no que se acredite a obtención da calificación de APTO na proba de inglés do mesmo ou superior nivel en convocatorias anteriores (no caso de que a proba fora feita anteriormente na Fundación, non será necesario aportalo no momento da solicitude, sendo necesario unicamente a súa solicitude no Anexo I, indicando a referencia da praza). Se non se presenta esta documentación, deberá facer unha proba no momento que se indique no proceso de selección.
- 9) Fotocopia simple da xustificación de cada un dos méritos alegados no CV. Só valoraranse os méritos que teñan unha xustificación documental axeitada e aparezan claramente identificados no CV.

O/a aspirante seleccionado/a deberá presentar nas dependencias da Fundación CESGA, no prazo de 3 días naturais dende a resolución:

- a) Fotocopia compulsada do D.N.I. ou pasaporte e do permiso de conducir.
- b) Fotocopia compulsada do título esixido no punto 4.3 das bases ou documento que acredite fidedignamente a posesión do correspondente título académico.
- c) Orixinal para a súa comparación do certificado do expediente académico no título esixido no punto 4.3 destas bases.

- d) Orixinal das xustificacións dos méritos alegados para a súa comparación, se é o caso.
- e) Orixinal para a súa comparación do título de CELGA 4 ou do título de perfeccionamento da lingua galega ou dos estudos equivalentes homologados polo órgano competente en materia de política lingüística, ou certificado da Fundación CESGA ou S.A.X. CESGA no que se acredite a obtención da calificación de APTO, se é o caso.
- f) Orixinal para a súa comparación da titulación de inglés, no caso de que se presentara, ou certificado da Fundación CESGA ou S.A.X. CESGA no que se acredite a obtención da calificación de APTO no nivel esixido.

6. Lugar e prazo de presentación de solicitudes

As solicitudes dirixidas ao director-xerente da Fundación deberán presentarse no modelo normalizado, Anexo I da presente convocatoria.

Presentaranse na Secretaría da Fundación ou remitiranse por correo certificado ás oficinas da Fundación CESGA sitas na Avenida de Vigo, s/n (Campus Sur), 15705 Santiago de Compostela (no caso de presentarse por correo certificado na data límite de presentación de solicitudes, deberá comunicarse á Fundación CESGA por fax ou correo electrónico nesa mesma data) ou tamén por correo electrónico á dirección emprego@cesga.es Neste último caso, toda a documentación terá que vir anexada en formato PDF e só se considerarán válidas as recibidas no CESGA antes da data límite.

O prazo de presentación de solicitudes será de 10 (dez) días naturais contados a partir do día seguinte da publicación da presente convocatoria en prensa.

A dirección que figure nas instancias considerárase como a única válida para os efectos de notificacións, sendo responsabilidade exclusiva do aspirante tanto un erro na súa consignación como a comunicación á Fundación, de calquera cambio nela.

Finalizado o prazo de presentación de solicitudes, a comisión de selección publicará as listas provisionais de admitidos e excluídos ao proceso de selección, con indicación da causa de exclusión, establecéndose un prazo de 3 días naturais para, a petición do interesado, reparar calquera erro que sexa subsanable, tras os cales se publicarán as listas definitivas de admitidos e excluídos.

Todas as publicacións faranse no taboleiro de anuncios, no Edificio da Fundación CESGA, e na páxina web da Fundación www.cesga.es

7. Proceso de selección

A selección, de conformidade co disposto no artigo 4 da Lei 10/1996, de 5 de novembro efectuarase por unha comisión designada ao efecto (Anexo II).

O proceso de selección consistirá:

1. Nun concurso de méritos acreditados por cada candidato, ata unha puntuación máxima de 39 puntos e conforme ao BAREMO do Anexo III.
2. Finalizada a valoración dos méritos, a Comisión publicará no taboleiro de anuncios da Fundación e na páxina web da Fundación www.cesga.es, un acordo coa listaxe da puntuación de todos os aspirantes establecéndose un prazo de 3 días naturais para alegacións por parte dos candidatos e presentar reclamacións que xulguen oportunas.
3. Finalizada a fase de alegacións, a comisión convocará aos 5 primeiros candidatos/as que conseguiran a mellor puntuación na Valoración de Méritos

(Anexo III) e que cumpran con todos os requisitos para estes postos. A lista de candidatos/as seleccionados/as para acudir á entrevista persoal serán publicados no taboleiro e na páxina web da Fundación indicando a data, hora e lugar da mesma e notificaraselle, ben por correo electrónico ou por teléfono. O/as candidatos/as propostos/as para a entrevista que non acrediten o coñecemento do galego e/ou inglés serán convocados/as ademais a unha/s proba/s consistente/s na tradución de galego a castelán ou viceversa dun texto técnico da área cuxa valoración será APTO ou NON APTO e na redacción dun informe técnico da área en inglés, cuxa valoración será APTO/A ou NON APTO/A. A duración de cada proba será dun máximo de trinta (30) minutos.

4. A entrevista que non superará os quince (15) minutos, terá unha valoración máxima de 4 puntos e versará sobre:

- Perfil do candidato
- Complementos do currículum vitae
- Idoneidade do candidato para o posto
- Disponibilidade de incorporación
- Contraste de coñecementos
- Expresión oral

Debido á infrarrepresentación do sexo feminino na Fundación CESGA nesta categoría profesional, no caso de empate entre dous ou máis candidatos, será admitida a muller de conformidade ao disposto no artigo 37.1 da lei 7/2004 de Galicia e, de persistir o empate, prevalecerá a orde alfabética iniciándose pola letra establecida na resolución da Consellería da Presidencia, Administracións Públicas e Xustiza do 29 de xaneiro de 2009 (DOG nº 24 do 4 de febreiro de 2009).

Contra a puntuación total do proceso selectivo, os/as aspirantes que o consideren oportuno poderán presentar reclamación por escrito dirixido a Presidenta da comisión de selección no prazo de tres días naturais contados a partir do seguinte ao da súa exposición.

8. Resolución

Finalizado todo o proceso anterior, a comisión de selección publicará a través da páxina web da Fundación (www.cesga.es), o nome da persoa seleccionada para o posto. Así mesmo, para este posto, e co fin de determinar posibles substitucións, a comisión elaborará unha lista de espera entre os/as candidatos/as seleccionados/as para a entrevista e que non resultasen beneficiarios do posto. Farase constar o prazo de incorporación, así como a documentación complementaria que deberá achegar o/a candidato/ha seleccionado/a para formalizar o contrato. O tipo de contrato temporal será por obra ou servizo determinado e estará suxeito ao período de proba regulado no artigo 14 do Estatuto dos Traballadores, actuando como órgano de contratación da Fundación o seu Presidente, acto para o que está facultado en virtude da escritura de poder outorgada con data 22 de xaneiro de 2004 ante o notario do Ilustre Colexio de Galicia D. Enrique Roger Amat e co número de protocolo 214.

Santiago de Compostela, 30 de decembro de 2009



Javier García Tobío
Director-Xerente
Fundación Centro Tecnológico de Supercomputación de Galicia

ANEXO I

MODELO DE SOLICITUDE

1.- SOLICITANTE		
Apelidos:	Nome:	
DNI:		
Dirección particular (rúa, etc.):	Nº	
Localidade:	Provincia:	CP:
Tfno.:	e-mail:	

2.- DATOS ANUNCIO	
Referencia anuncio:	
Data publicación anuncio:	

3.- DOCUMENTACIÓN	
Currículo Vitae: <input type="checkbox"/>	Copia DNI: <input type="checkbox"/>
Copia da Titulación: <input type="checkbox"/>	Copia Expediente académico: <input type="checkbox"/>
Copia Certificado Perfeccionamento da Lingua Galega ou CELGA 4: <input type="checkbox"/>	
Solicita recoñecemento da aptitude en Lingua Galega de convocatorias anteriores da Fundación CESGA: <input type="checkbox"/> Ref. posto:	
Xustificación do coñecemento de inglés: <input type="checkbox"/>	
Solicita recoñecemento da aptitude en Lingua Inglesa de convocatorias anteriores da Fundación CESGA: <input type="checkbox"/> Ref. Posto:	
Copia dos xustificantes dos méritos alegados: <input type="checkbox"/>	
Copia do permiso de conducir: <input type="checkbox"/>	

DECLARACIÓN XURADA:

O abaixo asinante declara baixo xuramento non padecer enfermidade ou defecto físico que lle impida desempeñar as funcións correspondentes ao posto de traballo da praza á que opta, e non estar separado do servizo de ningunha Administración pública en virtude de expediente disciplinario, nin atoparse inhabilitado por sentenza firme para o exercicio de funcións públicas.

De conformidade co establecido na Lei Orgánica 15/1999, de 13 de decembro, de Protección de Datos de Carácter Persoal, o interesado queda informado e presta o seu consentimento expreso e inequívoco á incorporación dos seus datos aos ficheiros automatizados existentes na FUNDACIÓN e ao tratamento dos mesmos para esta convocatoria de prazas.

Solicita a participación no proceso de selección convocado pola Fundación e referenciado no punto 2 desta solicitude.

Santiago de Compostela, de de 2010

Fdo.:

**DIRECTOR XERENTE
FUNDACIÓN CESGA
Avda. de Vigo, s/n (Campus Sur)
15705 Santiago de Compostela (A Coruña)**

ANEXO II

COMISIÓN DE SELECCIÓN:

1. A comisión de selección estará formada por:

- a) Presidencia: Peregrina Quintela Estévez (USC)
- b) Vocais:
 - Administrador de Aplicacións e Proxectos da Fundación CESGA
 - Representante do proxecto i-MATH
 - Representante do Sistema Universitario de Galicia

O Presidente da Fundación, en caso de necesidade, poderá nomear suplentes. A Comisión poderá nomear asesores expertos, os cales limitaranse ao exercicio das súas respectivas especialidades e colaborarán coa comisión con base exclusivamente nas mesmas. Ningún membro da comisión de selección estará en posesión de titulación inferior, no seu posto, á esixida para o posto obxecto da convocatoria.

En todo caso, a Fundación garantirá a paridade entre mulleres e homes na designación da comisión de acordo co establecido pola disposición adicional primeira da Lei 2/2007 do 28 de marzo do traballo en igualdade das mulleres de Galicia.

2. Os membros da comisión absteranse de intervir, notificándollo ao presidente, cando concorran neles circunstancias das previstas no artigo 28 da Lei de réxime xurídico das administracións públicas e do procedemento administrativo común, ou que realizen tarefas de preparación de aspirantes a probas selectivas nos cinco anos anteriores á publicación desta convocatoria.

O presidente poderá solicitar aos membros da comisión de selección declaración expresa de non atoparse incurso nas causas sinaladas de abstención. Os aspirantes poderán recusar aos membros da comisión de selección cando concorran as circunstancias previstas na presente base.

3. Para actuar válidamente a comisión, requirirase a presenza in situ, por videoconferencia ou audioconferencia de todos os seus membros. As decisións da comisión de selección adoptaranse por maioría dos membros presentes no momento da votación e en caso de empate resolverá o voto de calidade do presidente da comisión de selección.

4. Para efectos de comunicación e demais incidentes, a comisión terá como sede as oficinas da Fundación CESGA sitas na Avenida de Vigo, s/n (Campus Universitario Sur) - 15705 Santiago de Compostela.

ANEXO III

Baremo Valoración de Méritos:

1. EXPEDIENTE ACADÉMICO NA TITULACIÓN ESIXIDA PARA O POSTO: máximo 4 puntos. As cualificacións, valoraranse utilizando a media ponderada calculada segundo o protocolo de colaboración subscrito entre a Consellería de Educación e Ordenación Universitaria e as universidades de Santiago de Compostela, A Coruña e Vigo para a valoración de expedientes académicos (DOG 23 de marzo de 2005) tomando como referencia o seguinte baremo:

CUALIFICACIÓNS	PUNTOS
MATRÍCULA DE HONRA	4
SOBRESAINTE	3
NOTABLE	2
APROBADO	1
SUSPENSO/NON PRESENTADO	0

2. COÑECEMENTOS DE INGLÉS: máximo 2 puntos. Acreditados e/ou certificados segundo a seguinte táboa ou outro tipo de acreditación/certificación equivalente atendendo á escala de Eurocentres por enriba da titulación esixida:

INGLÉS	PUNTUACIÓN
C.A.E. (Certificate Advanced English)	1,0
C.P.E. (Certificate of Proficiency in English)	2,0
Ata 4º curso ou nivel Avanzado I da EOI	1,0
Ata 5º curso ou nivel Avanzado II da EOI	2,0

3. DOUTORADO EN MATEMÁTICA APLICADA: máximo 8 puntos, segundo a distribución que se indica. Deberá acreditarse con copia do título, certificación académica ou solicitude do mesmo:

COÑECEMENTOS A VALORAR	Puntuación
Doutorado Europeo APTO CUM LAUDE	8
Doutorado APTO CUM LAUDE	6
Doutorado Europeo APTO	5
Doutorado APTO	3

4. COÑECEMENTOS EN MATEMÁTICA APLICADA: Máximo 8 puntos segundo a distribución que a seguir se indica.

COÑECEMENTOS A VALORAR	Puntuación
Cursos de formación en doutoramentos, DEA o Master de Matemática Aplicada o Ingeniería Matemática (cada asignatura valorarase utilizando o mesmo método que no punto 1, dividido por 8, ata un máximo de 0,5 por asignatura. Non se valorarán os cursos de doutoramento que foran necesarios para o doutorado avaliado no punto 3)	Ata 2
Otros cursos de formación en Modelización Matemática, Métodos Numéricos ou Simulación Numérica de Procesos ou Dispositivos (0,5 puntos por cada 100 horas)	Ata 2
DEA de Matemática Aplicada o Master en Matemática Aplicada o Ingeniería Matemática (neste caso, non se valorarán os cursos no primeiro apartado deste punto). Tres puntos por cada un.	Ata 6

5. EXPERIENCIA EN MATEMÁTICA APLICADA: máximo 17 puntos, segundo a distribución que a seguir se indica. Só se valorarán os méritos xustificadas documentalmente.

EXPERIENCIA A VALORAR	Puntuación
Participación en proxectos de I+D europeos de convocatorias públicas competitivas relacionados cas aplicacións da Matemática Aplicada noutras disciplinas ou nas empresas (0,3 puntos por cada ano de participación no proxecto) ¹	Ata 2
Participación en proxectos de I+D nacionais de convocatorias públicas competitivas relacionados cas aplicacións da Matemática Aplicada noutras disciplinas ou nas empresas (0,2 puntos por cada ano de participación no proxecto) ¹	Ata 2
Participación en proxectos de I+D autonómicos de convocatorias públicas competitivas relacionados cas aplicacións da Matemática Aplicada noutras disciplinas ou nas empresas (0,1 puntos por cada ano de participación no proxecto) ¹	Ata 1
Publicacións na área Matemática Aplicada (Por cada publicación internacional do catálogo Science Citation Index: 1. Por cada publicación Internacional en revistas que non figuren no catálogo anterior: 0,25) ²	Ata 4

¹ Xustificarase cun certificado de participación asinado polo representante legal da entidade onde participou con indicación das datas de inicio e fin da participación, ou coa copia do contrato laboral onde figure expresamente o nome ou código do proxecto e mais un certificado de vida laboral.

² Xustificarase enviando unha copia da publicación.

Contratos e convenios de I+D con empresas relacionados cas aplicacións da Matemática Aplicada noutras disciplinas ou na empresa (0,3 puntos por ano de contrato ou a parte proporcional se é de menor duración.) ¹	Ata 5
Contratos en empresas como técnico en áreas relacionadas coa Matemática Aplicada (0,025 puntos por mes traballado) ³	Ata 3

³ Xustificarse cun certificado de empresa onde figuren as tarefas realizadas mais o certificado de vida laboral.